

HARANGVE

FAICTE

A V R O Y, 3476

P A R

MONSIEVR

LE MARQUIS DE .

LA FORCE.

Au Nom de Messieurs de Bearn,
pour les Conclusions des affaires
de ladicte Prouince.



A P A R I S,

Chez SYLVESTRE MOREAU, de-
uant le Palais.

M. DC XX.

Case

F

39

320

1620/2

THE NEWBERRY
LIBRARY





HARANGVE FAICTE

au Roy, par Monsieur le Marquis de la Force, au nom de Messieurs de Bearn, & pour les conclusions des affaires de ladicte Prouince.



N ne doit point trouuer estrange si le Roy a tant esté absent de Paris, & a demeuré si long-temps en la Guyenne, puis que c'est pour le bien de son Estat, & le repos de ses peuples: le séjour de sa Majesté à Bordeaux & Villes circonuoisines, n'estoit qu'en surseance d'esperance,

pour attendre & ſçauoir pour
dernier article les concluſions
de la Prouince de Bearn, iuſ-
ques icy indeciſe. Pour ce ſuy et
les Deſputez de ceſte Region
ayans eſté trouuer le Roy en la
ville de Poitiers l'affeurerent
de la fidelité de leur obéiſſance,
& proteſterent de iamais ne
contreuenir aux loix deſes cō-
mandemens.


Le Roy n'a voulu traicter ny
pacifier à demy en tout ſon
Royaume, il a voulu calmer,
affeurer & donner tranquillité
aux troubles qui ſembloient
ſ'emouuoir du coſté de ceſte
terre, à quoy la iuſtice de ſa
bonté a pourueu avec vn ſi
heureux Conſeil, qu'on peut
dire qu'il a pluſtoſt eſté doié

des graces & inspirations du Ciel, que des faueurs de la fortune, que les Amiens par vraye mesconnoissance appelloient aueugle: la iustice de ses desseins, l'equite de ses commandemens, la probité de ses entreprises l'ont rendu glorieux, & redoubté par la valeur signalée de Royale, & puissante autorité.

Messieurs de Bearn voyant que le party de leurs affaires proposees à sa Majesté par les Desputés de leurs assemblées, n'auoit point encore contenté le Roy, & qu'il ne se trouuoit pas assez satisfaiçt par leurs paroles, a voulu & désiré en estre plus amplement esclairey: & rendre tout le monde content

tant d'une part que d'autre :
afin que tous les sujets eussent
matière de le louer, & prier
Dieu pour la prospérité de la
longue félicité de son Règne:
ce que manifestement cognois-
sant les sieurs Bearnois, esleu-
rent Monsieur le Marquis de
la Force, & le supplierent qu'il
luy plus traicter & proposer la
Candeur de leurs intentions à
sa Majesté, avec toute la par-
ticuliarité de leurs intenti-
ons, qui ne respiroit que l'o-
beyssance parfaite qu'ils doi-
vent aux decrets infallibles des
Arrests de sa volonté : Sur-
quoy Monsieur le Marquis de
la Force respondant & donnât
son advis sur les points im-
portans qu'ils pouvoient mer-

tre en arriere , accepta leur priere , & de fait s'achemina pour aller vers la Majesté, qu'il trouua à Bloye, où elle estoit pour quelques affaires particulieres , & apres qu'il l'eut salué, il commença à Haranguer sur le subject des affaires de Bearn, dont le tout & la reneur se peut voir par ce qui s'enluit.



*Harangue de Monsieur le Mar-
quis de la Force au Roy, pour
l'Estat de Bearn.*

S I R E,

Vostre Majesté à peu sca-
voir par les Députés de Bearn,
la resolution de Messieurs
les Bearnois, & comme hum-
blement ils se soubmettoient
à la Iustice de vostre volonté,
par l'obeyssance de leurs ser-
uices: ils m'ont prié d'asseurer
vostre Majesté, qu'ils n'ont au-
tre dessein que de vous obeyr
en tout & par tout, & subir vo-
lontiers les Ordonnances qu'il

vous plaira leur faire pour le regard de la detention des benefices , ils auoient chargés leurs Deputez de la mesme commission , qu'ils doibuent auoir informé vostre Majesté de leurs intentions, & de la fidele obeyssance qu'ils reseruent à vos commandemens.

Maintenant, SIRE, voyant qu'il a pleu à vostre Majesté leur faire encore sçauoir vostre volonté, ils m'ont esleu pour suppleer vostre douceur & benignité qu'il luy plaise leur proposer & faire derechef sçauoir l'indamnité de vos Conseils, & le decret de vos volontés: Vous pouuez, SIRE, croire qu'ils ne contreuendront iamais au moindre article de tou

res vos deliberations, ils ne
feront iamais subjects d'une
plus longue prolongation de
vostre voyage, il ne desirent
nullement aigrir vostre Ma-
jesté contr'eux, tant s'en faut
ils se soubmettent entierement
à vous, & se viennent jeter à
l'abry souz vostre protection,
côme a l'Asyle assure de leur
conseruation.

Il plaira à vostre Majesté Sire,
d'esslire & deleguer quelqu'un
tel que vostre Iustice le iugera
propre, & qu'il vous plaira, à
celle fin qu'il puisse mettre à
fin & accorder leur differend,
auquel ils n'apporteront moins
de croyance & de respect qu'à
la propre presence de vostre
Majesté: C'est, SIRE, tout le

sommaire que i'auois à communiquer à vostre Majesté, pour tres-humblement la supplier qu'il luy plaise en disposer & ordonner comme il iugera digne d'y estre procedé: Et quand à nous (qu'il vous a pleu honorer de la charge de Gouverneurs de ceste Prouince) Nous y apporterons tout le soin & la diligéce requise, pour vous manifester la fidelité de nostre seruice, que nous auôs tousiours reseruée pour obeïr a vos commandemens.

Le discours de ceste harangue fust trouué bon de sa Majesté, & de tous les Princes & Seigneurs qui estoient present, tant en consideration d'une si heureuse prosperité de tous

les desseins du Roy, que pour le reestablissement à la continuation de la paix, non seulement en France, mais aussi de ceste souueraineté, qui de si long temps auoit esté demeurée, & n'auoit point iusques icy esté accordée; Bien est vray que Monsieur le Marquis de la Force mettoit quelque différent en ceste reconciliation, d'autant que la plus part des plus riches habitans de Bearn possédēt par hereditaire iouissance des benefices, qui font le meilleur & le plus clair de leur bien, toutes fois la Iustice & la clemence du Roy le rendirent plus que content, & s'en alla avec ioye, laissant le Roy en la dite ville en bonne disposition

& prosperité.

Voila veritablement ce qui s'est passé en general pour les conclusions de la Prouince de Bearn, qui auoit detenu si lóg temps le Roy en la Guienne; & maintenant ceste consideration ne le retiendra pas davantage, puis que tout est bien d'accord, au contentement de sa Majesté, & au bien de tous ceux de son Royaume.

F I N.

